

Nawawalan ng Medicaid • CHIP?



3 Mga bagay na dapat malaman

tungkol sa iyong mga opsyon sa pangangalagang pangkalusugan

Sa panahon ng pandemya ng COVID-19, nagawang ihinto ng mga estado ang pagsusuri sa pagiging kwalipikado para sa Medicaid at Programa para sa Insurance sa Kalusugan ng Mga Bata (Children's Health Insurance Program, CHIP), at hindi puwedeng mag-alis ng sinumang nakatala sa coverage na ito. Simula noong Pebrero 1, 2023, pinapayagan ang mga estado na muling simulan ang mga pagsusuring iyon. Nangangahulugan ito na maaaring mawalan ng coverage sa Medicaid o CHIP ang ilang nasa hustong gulang at bata.

Kung sasabihin sa iyo ng iyong estado na nawalan ka o maaaring mawalan sa lalong madaling panahon ng coverage sa pangkalusugan sa pamamagitan ng Medicaid o CHIP, mayroon kang iba pang opsyon sa pangangalagang pangkalusugan. Narito ang 3 mahahalagang bagay na dapat malaman:

1. Maaari kang muling mag-apply para sa Medicaid o CHIP para malaman kung kwalipikado ka pa rin.

- Sa lahat ng estado, ang Medicaid at CHIP ay nag-aalok ng coverage sa pangkalusugan sa ilang taong may mababang kita, mga pamilya at bata, buntis na kababaihan, matatanda, at taong may mga kapansanan. Kung magbago ang antas ng iyong kita o mga medikal na pangangailangan, maaari kang maging kwalipikado para sa Medicaid o CHIP sa iyong estado.
- Maaari kang mag-apply anumang oras, at walang limitasyon sa bilang ng beses na maaari kang mag-apply.
- Para muling mag-apply sa Medicaid o CHIP, bisitahin ang [Medicaid.gov/about-us/beneficiary-resources/index.html#statemenu](https://www.Medicaid.gov/about-us/beneficiary-resources/index.html#statemenu) at hanapin ang iyong estado para sa mga susunod na hakbang.

2. Maaari kang makakuha ng mura, de-kalidad na coverage sa pangkalusugan sa pamamagitan ng Health Insurance Marketplace®.

- Kwalipikado ang karamihan sa mga tao para sa pagtitipid sa isang planong pangkalusugan para pababain ang kanilang buwanang premium at kung ano ang kanilang binabayaran kapag nakakuha sila ng pangangalaga. Nakabatay ang pagtitipid sa kita at laki ng sambahayan.
- Sinasaklaw ng lahat ng mga plano sa Marketplace ang mga pagpapatingin sa doktor, mga inireresetang gamot, pangangalaga sa emergency, kalusugan ng pag-iisip, mga pagpapa-ospital, at higit pa.
- Bisitahin ang [HealthCare.gov](https://www.HealthCare.gov) para maghanap at magpatala sa isang planong pangkalusugan, o tumawag sa Sentro ng Pagtawag ng Marketplace sa 1-800-318-2596. Maaaring tumawag ang mga gumagamit ng TTY sa 1-855-889-4325.
- Magsumite ng bago o na-update na aplikasyon sa Marketplace para makita kung ikaw (o iba pang miyembro ng iyong sambahayan) ay kwalipikadong magpatala sa isang plano ng Marketplace at makakuha ng tulong sa mga gastos.

3. Maaari kang mag-sign up para sa Medicare nang hindi nagbabayad ng multa sa huling pagpapatala.

- Kung kwalipikado ka na ngayon para sa Medicare, ngunit hindi nag-sign up para dito noong una kang naging kwalipikado, mayroon kang limitadong oras (tinatawag na "Espesyal na Panahon ng Pagpapatala") upang mag-sign up nang hindi nagbabayad ng karaniwang multa.
- Magsisimula ang iyong Espesyal na Panahon ng Pagpapatala sa araw na ipaalam sa iyo ng iyong estado na magtatapos na ang iyong coverage sa Medicaid, at magpapatuloy sa loob ng 6 na buwan pagkatapos magtapos ang iyong coverage sa Medicaid.
- Para mag-sign up sa Medicare sa panahon ng Espesyal na Panahon ng Pagpapatalang ito, punan ang [form ng CMS-10797](https://www.CMS-10797) at i-mail o i-fax ito sa iyong lokal na [tanggapan ng Social Security](https://www.SocialSecurity.gov). Maaari ka ring tumawag sa Social Security sa 1-800-772-1213. Maaaring tumawag ang mga gumagamit ng TTY sa 1-800-325-0778.
- Para sa karagdagang impormasyon tungkol sa Medicare, bisitahin ang [Medicare.gov](https://www.Medicare.gov) o tumawag sa 1-800-MEDICARE (1-800-633-4227). Maaaring tumawag ang mga gumagamit ng TTY sa 1-877-486-2048.

Kailangan ng karagdagang tulong?

Bisitahin ang [LocalHelp.HealthCare.gov](https://www.LocalHelp.HealthCare.gov) para makakuha ng tulong mula sa isang tao sa iyong lugar.

Libre ang serbisyong ito at makakatulong sa iyo na mas maunawaan ang iyong mga opsyon sa pangangalagang pangkalusugan.

CMS Product No. CMS 12176-T (Tagalog)
February 2023

This product was produced at U.S. taxpayer expense.

Health Insurance Marketplace® is a registered service mark of the U.S. Department of Health & Human Services

